

中国文献珍本丛书

台湾史料汇编（十四）

全国图书馆文献缩微复制中心

中国文献珍本丛书

责任编辑
经莉

台湾史料汇编（全十四册）

编者	姜亚沙 经莉 陈湛琦
出版者	全国图书馆文献缩微复制中心 （北京文津街七号）
印刷者	临京古籍印装厂
发行者	新华书店北京发行所
印刷日期	二〇〇四年九月
印数	一一〇〇
定价	六五〇〇元

未经授权 不得翻印

臺灣外記卷之十三

周全斌金廈大戰

陳永華臺灣造業

康熙二年癸卯

附永曆十七年

按永曆於康熙元年二月間被吳三桂追至緬甸所弑
已死天下咸知成功以路遙而信未確爲辭經仍遵守
之遂存故朔附稱永曆

正司經將安平鎮交統領顏望忠鎮守其承天府暨南北二
路兵馬地方軍務委勇衛黃安提調十一日經率周全斌陳
永華馮錫范等大隊兵師回廈門諸將迎接暨守各島將帥
咸負焉獨伯泰在金門稱病不至經遣禮官鄭斌前往金門

問病斌回啓泰果得寒症去痊經密與洪旭謀曰吾伯稱病不來必有覬覦之意金廈門人如之奈何旭曰風聲勿露他尙狐疑容徐圖之未可造次有報守崇武楊來嘉與泰時常餽送往來情甚周密經心愈疑密召周全斌洪旭計議曰吾伯有事在懷難以自安楊來嘉曾爲北使今無故親厚其中決有通謀將何策圖之全斌曰彼船隻倍多未可輕舉俟窺其便擒之急則變矣三有海澄有密獻城者經欲親往接應遂整舟師泰偵知疑爲圖己將眷口悉下船出港口灣泊有勸泰入廈門見經陳明泰曰吾今日惟救死耳若稱兵而入適重吾愆又有勸其如此終難了局不如投誠泰曰先太師

業已誤矣泰豈再誤乎俱不聽後海澄事覺經不果行泰仍
收回金門終不自安經聞泰舉家在船情狀心愈惶惑全斌
曰事久則變不如用香餌法餌之方可經曰何謂香餌全斌
曰藩主可稱臺灣新創地方無人約束恐生意外之虞欲眷
日盡舉過臺安插然後西向而金廈各島暫交伯總制安彼
之心再作計較經曰此計甚善遂鑄金廈總制印五月率泰
以前歲用反間之計無效茲乘安輯投誠郎中賁岱之報復
再疏曰

馬馳報海上情形事康熙二年四月安輯投誠部臣差筆
帖式同提臣差官馬天祿到省謁靖藩與臣據筆帖式備

云現差林懷前去招撫僞侯鄭泰等據云必俟藩院字到方爲真實等語靖藩與臣密商海上諸僞革面革心難以愚信總以遵

旨登岸剃髮爲憑不妨奉揚

朝廷浩蕩洪恩以昭誠信靖藩與臣隨各修剴切一札付部臣來差轉齎去後五月十一日據僞建平侯鄭泰差僞總督楊來嘉楊洪齎啓書赴靖藩與臣軍前閱其書說向化似殷但以人衆慮登岸安插難周之意又據楊來嘉等口稱三侯遵照前

旨登岸剃髮面見藩院仍回金門廈門候

旨等語臣等細思三僞侯既已登岸又欲仍回語屬游移矧
今鄭泰率衆登舟移泊金門歸誠之心似切其洪旭黃廷
等或廈門或銅山未必卽能齊心一同登岸隨面諭楊來
嘉等不必拘定取齊如三侯一同登岸剃髮固不失前議
抑或鄭侯先來洪黃二侯陸續而來亦無不可總之鄭泰
既已心向化事事恪遵

旨意既已率衆登岸何必又回廈門若仍如此議論不敢遽
以入告必須三侯帶領官兵前來安海地方上岸或鄭泰
先來上岸剃髮其各官兵並百姓等但要遵
制剃髮差驗明原住金門廈門的照舊暫住候

旨安拙方敢代爲會疏題請於投誠有功

皇恩浩蕩自當不論爵賞撫綏得宜面諭楊來嘉令其回去
海上說明訂以次月初旬赴省回話臣等一面申飭嚴防
一面整率兵馬俟有的期而來登岸毋論一旅或全島或
陸續隨到隨收次第安插謹將近日情形會同合疏密題
若夫海上人情叵測或變幻多端或觀望未決臣等所不
及料者但臣有聞必告盡臣誼之當然

六月經令禮官鄭斌戶官吳慎齋印諭過金門與泰且傳命
曰先王新闢臺灣甫一載卽遭凶變今雖底定無人調度爲
憂意決東行諸島地方煩伯總制泰喜受印厚待斌終未敢

過厦稱謝弟鳴駿不知其兄細隱固請曰骨肉至親受托土地重寄何用如此遲疑而貽笑於人泰稍回意又報初四日經頭程載黃安楊祥劉國軒等眷口船過臺而鳴駿力勸其行初六日泰往厦見經經待之如常語及成功兩相慟哭禮意皆厚且囑其南北固守泰無疑焉初七日經置酒邀泰議事伏甲兵於內半席經擲杯於地喝左右擒泰泰言何罪經出其與黃昭書泰無可答經令將泰縊死卽遣周全斌督大船隨之鳴駿聞變卽同楊來嘉楊富率所部向馬得功投降馬得功會鳴駿於船大誇獎鳴駿坐駕不去口駿會意曰若不棄鄙陋奉讓何如得功謝之將自己坐駕船與鳴駿換

得功遂先坐其船往同安港巡視提調鄭經因鳴駿率其文武投誠一時乏人忽內地偵報紅毛入福州港投靖藩總督願爲先鋒引攻兩島然後代彼攻臺灣各船業整船隻不日興師合擊經集洪旭周全斌黃廷王秀奇等商議退敵之策全斌曰紅毛在臺灣當時先藩施德不殺放彼歸國今投耿藩借兵報仇亦是傷弓之鳥斌願領煩船前往破之旭曰當此勁敵非斌不可經令全斌督諸鎮分禦斌曰不可當差人入內地探各港分配船隻帶兵者何人然後設計禦之經從斌請隨差偵者入漳泉打聽不數日偵者回報紅毛已出福州港提督自坐一號大坐駕尾樓後寫澄清海字四大金字

鄭鳴駿坐一號大煩船尾樓後寫寧海二大金字楊富坐一號大鳥船尾樓後寫海晏河清四大金字其餘各鎮營悉分配船隻卽出泉州港漳州海澄之船係總督同黃梧施琅流出經問全斌洪旭如此各港齊出當分兵禦之全斌曰海澄之師必猶未敢前泉州是會夾板合鯨而來其勢雄銳若破了泉州師海澄各港自退斌領煩船二十隻分配各鎮敵夾攻會泉州之師經令正兵鎮陳昇守高崎陸路又令黃廷帶船二十隻泊南山邊禦海澄之海門林順領船十隻在高崎一帶遊颺接應楊祥領船十隻在遼羅一帶接應旭曰昔先王破達素悉空廈門背城一戰今亦當倣先王遺法經然

之以陳永華馮錫范二人保護董夫人並諸宗室鄉紳暨提鎮兵民眷船悉於沿嶼灣泊經與洪旭王秀奇等率舟師在大担列嶼觀敵接應十月十九日相遇於金門烏沙港全斌以紅毛船大必在深港督其舟師由邊而進互相攻擊忽楊富誦船至斌首先直冲艖內富與戰少怯斌喝曰楊富叛賊今日是汝死日逼之富衆傷死殆盡情急從舵後攀肚帶下水馬得功見楊富船被奪隨轉舵來援全斌望其尾樓後寫是雄鎮金湯四字發令曰前面一船乃是鄭開的當爲吾擒之

按開係鳴駿乳名全斌曾受鳴駿誹恨之今旣對敵欲

報宿怨故發令圍攻不知駿船於出征時被得功換坐
是以馬得功遭難

遂揮船合攻得功四面受敵火礮藥矢咸盡兵士傷死僅存
二三人度不能免恐遭擒受辱遂投海死全斌過船問降卒方
知是得功嘆曰何報者誤也吾欲擒得乃中一虎是此賊之
未死死遂反船赴與夾板攻打守高崎將陳昇遣人密款於
黃梧施琅琅梧許之整舟師以待琅謂梧曰潮落矣可督衆
船出梧曰然琅將船白隻先行梧繼其後黃廷見琅船出鷄
嶼亦起樁帆發斗頭頻迎敵矢石如雨烟焰蔽天奈風與水
不順即退琅得勝率其衆奪廈門飛報李率泰大隊接應餘

而守高崎陳昇亦至林順正在高崎一帶禦敵同安各港船
忽快哨飛報黃廷收陣陳昇投誠廈門失守無心戀戰出與
全斌合夥經見黃廷船失勢坐遁欲令王秀奇督煩船往救
而水正退風又逆旭日且浮旋看水轉必有風方可進兵未
幾快哨報高崎守將陳昇投誠廈門已失秀奇曰如此卽有
風潮亦徒費其勞且暫退銅山再作商量旭亦勸經下銅山
經從二人議遂率諸船下銅山而陳永華馮錫范保護董夫
人暨諸宗親紳衿兵民眷口亦到獨全斌一旅敵住夾板泉
州同安諸師至日將暮二十船無一失者知廈門失守全軍
從容退泊浯嶼林順寄灣鎮海金門亦破夾板與諸船集廈

門港率泰方知得功陣亡大慟哭紅毛登岸凡庵觀廟宇神佛諸像俱被壞以爲鬼也惟有達摩存之

二十六日黃梧勸率泰乘得勝令夾板爲前導引大隊攻銅山則鄭經可擒率泰曰雖金廈已破奈昨日之役提督新喪彼師無傷况窮寇勿追追之則逸臺灣諒彼此時人心風鶴可導人到銅山宣布

朝廷德意並四處招降以散其黨羽倘計窮父撫亦免士卒勞苦如再抗玩移師未遲將所有夾板船隻盡停廈門令梧與琅差人往鎮海銅山招降鄭經知全斌擒得功船又無失遣鄭斌齎銀牌幣帛往浯嶼犒賞大加褒獎令其暫守浯嶼

相機恢復廈門耿繼茂李率泰差官咸至銅山傳宣

朝廷德意招撫又密通忠振伯洪旭若生擒鄭經許請封爲同安侯鎮守泉州如海澄公樣旭笑而卻之經仍執高麗事例若欲削髮登岸雖死不允送其差還

康熙三年甲辰

附永曆十八年

正月援剿右鎮林順原與施琅善琅

差蔡媽持書招之順統全鎮從鎮海投誠二月忽報守南澳護衛左鎮杜輝交通潮州鎮海將軍王國化從揭陽港投誠洪旭見日嚴諸將叛去謂經曰金廈新破人心不一銅山必難保守况王院差官僕僕前來非爲招撫實窺探以散人心今各鎮紛紛離叛日報無寧曷當速過臺灣苟遷移時日恐